

## Paerewa Paetae

**Aronga** Hauora 1.1

**Ingoa** Te whakaatu māramatanga mō te tuakiritanga

**Kaupae** 1 **Whiwhinga** 6 **Aromatawai** Ā-roto

**Marau akoranga** Te Marautanga o Aotearoa

**Kokonga akoranga** Hauora

**Mana rēhita** **Te rā i mana ai**

**Te rā e arotakengia ai** **Te rā i puta ai**

---

### Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Tāhuhu o te Mātauranga i te tau 2017.

### Whāinga Paetae

*Tangata, Huatau o te Whanaungatanga*

3 *Ka whakaatu i tōna mārāma ki ngā āhuatanga e puta ai te tuakiri whaiaro o te tangata, kia taea ai te whakanui i tōna tū motuhake me te tiaki i tōna oranga wairua, oranga hinengaro, oranga tinana.*

E hono ana ki te Papa Whakaako mō te Hauora kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

## Paerewa Paetae

<p><b>Paetae</b> Te whakaatu māramatanga mō te tuakiritanga.</p>	<p>Hei tohu i te paetae:</p> <ul style="list-style-type: none"> <li>● Ka tautohu i ngā āhukatanga e tohu ana i te tuakiritanga.</li> <li>● Ka whakaputa whakaaro mō te hononga ki te oranga.</li> </ul>
<p><b>Kaiaka</b> He kaiaka te whakaatu māramatanga mō te tuakiritanga.</p>	<p>Hei tohu i te kaiaka:</p> <ul style="list-style-type: none"> <li>● Ka whakaahua i ngā āhukatanga e tohu ana i te tuakiritanga.</li> <li>● Ka taunaki i ngā whakaaro mō te hononga ki te oranga.</li> </ul>
<p><b>Kairangi</b> He kairangi te whakaatu māramatanga mō te tuakiritanga.</p>	<p>Hei tohu i te kairangi:</p> <ul style="list-style-type: none"> <li>● Ka whakamārama i ngā āhukatanga e tohu ana i te tuakiritanga.</li> <li>● Ka āta taunaki i ngā whakaaro mō te hononga ki te oranga.</li> </ul>

## Kōrero Āpiti

- 1 E whai ake nei ngā whakamārama mō ngā kupu me ngā kīanga whitake matua o te paerewa nei:

<p>tuakiritanga (o te tangata)</p>	<p>Ko ngā momo:</p> <ul style="list-style-type: none"> <li>● te tuakiri whaiaro</li> <li>● te tuakiri ā-iwi</li> <li>● te tuakiri ā-motu</li> <li>● te tuakiri ahurea. Hei tauira: <ul style="list-style-type: none"> <li>○ te hāhi/taha wairua, te taipakeke, me he tāne/wahine/irawhiti, ā-hapori, ā-whānau</li> </ul> </li> </ul>
<p>ngā āhukatanga e tohu ana i te tuakiritanga</p>	<p>Koia nei ētahi:</p> <ul style="list-style-type: none"> <li>● ngā āhukatanga motuhake o tēnā iwi, o tēnā hapū, o tēnā whānau</li> <li>● te tuakiri ahurea</li> <li>● te tuakiri tāne/wahine/irawhiti</li> <li>● te reo me ngā tikanga</li> <li>● te whakapono/hāhi/taha wairua</li> <li>● te taipakeke</li> <li>● ngā hononga tōrangapū</li> <li>● te taha pāpori, taha ohaoha</li> <li>● te taha mātauranga</li> <li>● ngā tūāhua hiranga – ngā pakanga, ngā matenga, te mārenatanga, te utu whakamutu mahi</li> <li>● te rapu mahi</li> <li>● te hauora</li> <li>● ngā ataata taurite</li> <li>● te hangarau</li> </ul>

te hononga ki te oranga	<p>Koia nei ētahi:</p> <ul style="list-style-type: none"> <li>● te pāpātanga ki te mauri ora o te tangata</li> <li>● te piki, te heke rānei o te kiritau</li> <li>● te piki, te heke rānei o te ngākau māia</li> <li>● te rongo i te āhuareka o te noho tahi me te whānau, te hapū, te hoa tata</li> <li>● te kaha ū, te kaha aro ki tā te tangata e whai ana hei oranga mōna</li> <li>● te āhua o te whakawhanaunga, o te whakawhitiwhiti, ki ētahi atu</li> <li>● te āhua o te pāhekoheko ki te ao tūroa.</li> </ul>
whakaputa whakaaro	He hāngai, he mārama ngā whakaaro ki te kaupapa e tautohua ana.
taunaki	Ka tīpako i ngā kōrero tautoko e hāngai ana ki ngā whakaaro i whakaputaina.
āta taunaki	Ka tīpako i ngā kōrero tautoko whānui e hāngai pū ana ki ngā whakaaro i whakaputaina.
tautohu	Ka whiriwhiri, ka whakaaro he aha ngā tino o tētahi kaupapa, o tētahi āhuatanga rānei e aronuitia ana.
whakaahua	Ka whiriwhiri, ka whakaaro he aha ngā tino o tētahi kaupapa, o tētahi āhuatanga rānei e aronuitia ana. Ka mutu, ka āta kōrerohia ngā taipitopito.
whakamārama	Ka whakatau he aha ngā tino o tētahi kaupapa, o tētahi āhuatanga rānei e aronuitia ana. Ka mutu, ka āta kōrerohia ngā taipitopito me ngā take i pērā ai te whakaaro. Arā, ka whakautu i te pātai 'He aha ai?', i te 'Ka pēwhea?' rānei.

## Kuputaka

tuakiri whaiaro	personal identity
tuakiri ā-iwi	ethnic identity
tuakiri ā-motu	national identity
tuakiri ahurea	cultural identity
irawhiti	transgender
ataata taurite	stereotype

## Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā

pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233